

**SIGHAH PENJELASAN HUKUM
MESYUARAT LEMBAGA FATWA NEGERI SARAWAK KALI KE-27**

1. HUKUM PENDERMAAN DAN PEMINDAHAN RAHIM

Setelah berbincang dan mendengar pembentangan kertas kerja tersebut, mesyuarat sebulat suara menerima sighth keputusan seperti berikut :

- i. Hukum asal pendermaan dan pemindahan rahim adalah haram dan tujuan untuk mendapatkan zuriat hanyalah bersifat *takmiliyyah* iaitu sebagai pelengkap kehidupan berkeluarga.
- ii. Keperluan mendapatkan zuriat melalui pendermaan dan pemindahan rahim di Malaysia belum berada pada tahap *darurah*.
- iii. Keperluan mendapatkan zuriat melalui pembedahan dan pemindahan rahim bagi wanita yang mempunyai rahim yang bermasalah atau tidak mempunyai rahim hanya sekadar berada pada tahap *tahsiniyyat*.
- iv. Sehubungan itu, Mesyuarat bersetuju memutuskan bahawa hukum pendermaan dan pemindahan rahim adalah tidak harus kerana keperluannya belum mencapai tahap *darurah* yang boleh membenarkan sesuatu perkara yang diharamkan.

JABATAN MUFTI NEGERI SARAWAK

2. HUKUM PELAKSANAAN WASIAT WAJIBAH

Setelah berbincang dan mendengar pembentangan kertas kerja tersebut, mesyuarat sebulat suara menerima sighth keputusan seperti berikut :

Pelaksanaan wasiat wajibah adalah wajib menurut hukum syarak tertakluk kepada syarat-syarat seperti berikut:

- i. Anak lelaki dan perempuan daripada anak lelaki dan anak perempuan (cucu) ke bawah adalah layak untuk menerima wasiat wajibah.
- ii. Hendaklah kedua ibu atau bapa mereka meninggal dunia terlebih dahulu daripada datuk atau nenek atau ibu atau bapa meninggal dunia serentak dengan datuk atau nenek dalam kejadian yang sama atau berlainan.
- iii. Cucu lelaki dan perempuan bukan merupakan waris kepada harta pusaka datuk. Sekiranya mereka merupakan waris ke atas harta pusaka secara fardhu atau ta'sib maka mereka tidak layak untuk mendapat wasiat wajibah walaupun bahagiannya sedikit berbanding wasiat wajibah.
- iv. Sekiranya anak lelaki atau anak perempuan berlainan agama dengan ibu atau bapa atau terlibat dengan pembunuhan ibu atau bapa, maka dia tidak berhak untuk mendapat wasiat wajibah daripada harta pusaka datuk.
- v. Sekiranya datuk atau nenek telah memberikan harta kepada cucu melalui hibah, wakaf, wasiat dan sebagainya dengan kadar yang sepatutnya diterima oleh anak lelaki atau anak perempuan mereka sekiranya mereka masih hidup, cucu tidak lagi berhak untuk mendapat wasiat wajibah. Sekiranya pemberian tersebut adalah kurang daripada hak yang sepatutnya diterima oleh cucu daripada bahagian anak lelaki atau anak perempuan maka hendaklah disempurnakan bahagian tersebut.
- vi. Anak akan mengambil bahagian faraid bapa atau ibu yang meninggal dunia terlebih dahulu daripada datuk atau nenek dan kadar tersebut hendaklah tidak melebihi kadar 1/3 daripada nilai harta pusaka. Sekiranya bahagian tersebut adalah 1/3 atau kurang daripada 1/3, maka pembahagian tersebut hendaklah dilaksanakan pada kadar tersebut. Sekiranya bahagian tersebut melebihi 1/3 maka hendaklah dikurangkan pada kadar 1/3 melainkan setelah mendapat persetujuan ahli-ahli waris

JABATAN MUFTI NEGERI SARAWAK

yang lain.

- vii. Pembahagian wasiat wajibah boleh dilaksanakan setelah didahulukan urusan berkaitan mayat, wasiat ikhtiyariah dan hutang-piutang.
- viii. Pembahagian wasiat wajibah kepada cucu-cucu yang berhak adalah berdasarkan kepada prinsip faraid iaitu seorang lelaki menerima bahagian 2 orang perempuan.”

Mesyuarat Lembaga Fatwa Negeri Sarawak mencadangkan agar sighth keputusan ini diwartakan.

3. HUKUM INSURANS (KONVENSIONAL) DAN HUKUM MEMPROMOSIKANNYA

Setelah berbincang dan mendengar pembentangan kertas kerja tersebut, mesyuarat sebulat suara menerima sughah keputusan seperti berikut:

- i. Insuran nyawa sebagaimana yang dikendalikan oleh kebanyakan syarikat insurans yang ada pada hari ini adalah haram dan sebagai suatu muamalah yang *fasad* kerana aqadnya tidak sesuai dengan prinsip-prinsip Islam iaitu:
 - a. Mengandungi *gharar*
 - b. Mengandungi unsur judi
 - c. Mengandungi muamalah *riba*
- ii. Hukum ke atas Insurans Am (konvensional) adalah tidak diharuskan oleh Islam.
- iii. Polisi insurans (konvensional) adalah suatu muamalah yang tidak patuh syariah kerana telah bercanggah dengan teori kontrak dalam Islam. Oleh kerana polisiter sebut adalah tidak mematuhi prinsip syariah, manfaat yang telah terbit daripada polisiter sebut iaitu pampasan polisi juga dikategorikan sebagai harta tidak patuh syariah.

JABATAN MUFTI NEGERI SARAWAK

4. STATUS PAMPASAN POLISI INSURANS KONVENSIONAL

Setelah berbincang dan mendengar pembentangan kertas kerja tersebut, mesyuarat sebulat suara menerima sughah keputusan seperti berikut :

- i. Polisi insurans konvensional adalah suatu muamalah yang tidak patuh syariah kerana telah bercanggah dengan teori kontrak dalam Islam. Oleh kerana polisi tersebut adalah tidak mematuhi prinsip syariah, manfaat yang telah terbit daripada polisi tersebut iaitu pampasan polisi juga dikategorikan sebagai harta tidak patuh syariah.
- ii. Pampasan polisi insurans konvensional tidak boleh diwarisi oleh ahli waris simati melainkan kadar jumlah pokok caruman simati sepanjang hayatnya. Adalah menjadi keperluan kepada ahli waris untuk melupuskan harta tidak patuh syariah tersebut seperti fatwa yang telah ditentukan oleh para ulama'.

5. HUKUM ISTIBDAL WAKAF DALAM ISLAM

Setelah berbincang dan mendengar pembentangan kertas kerja tersebut, mesyuarat sebulat suara menerima sughah keputusan seperti berikut :

- i. Wakaf Gantian (wakaf ibdal) ialah bermaksud menukar harta wakaf dengan harta yang lain melalui jualan atau belian atau sebagainya dengan tujuan mengekalkan harta wakaf adalah diharuskan.
- ii. Harta yang akan dijadikan gantian sebagai mawquf (*amwal al-badal*), ia tertakluk kepada beberapa syarat berikut:
 - a. Harta gantian sebagai mawquf itu adalah lebih baik daripada mawquf yang asal;
 - b. Harta gantian itu hendaklah terdiri daripada jenis harta yang sama atau lebih baik sama ada harta alih atau harta tak alih;
- iii. Harta gantian itu ditukarkan dengan aset kekal atau dalam bentuk wang tunai dan diuruskan oleh Majlis Islam Sarawak.
- iv. Harta gantian boleh mendatangkan manfaat bagi satu tempoh yang panjang.